

AWIG – AWIG
DESA ADAT LEPANG

REGISTER NOMOR : 189/03/HO/2002
TANGGAL : 10 DESEMBER 2002



KECAMATAN BANJARANGKAN
KABUPATEN KLUNGKUNG
TAHUN 2002

MURDA CITTA

Om Awighnamastu nama siddham.

Malarapan saking panghyangning, Ida Sanghyang Widhi Wasa, asung kerta nugraha ngawentenang kahuripan sekala niskala, ring Bhuwana Agung lan Bhuwana Alit. Manut dresta Desane wantah pawakan pasayuban krama Desa rawuhing kulawarga pawonganya, Desane kamanggehang Bhuwana Agung, pawongannya soang-soang pinaka Bhuwana Alit.

Sotaning Bhuwana Agung, Desane wantah pawakan Bhawana mahurip jangkep saha Tri Hita Karananya luwire:

ha. Parhyangan, sahananiny kaliyangan, penyiwian desa genah ngarcana Ida Hyang Parama Wisesa maka jiwan desane;

na. Pawongan, krama saha warga desa maka' sami mapawakan Bayu Pramana, mawinan desane side molah maprawerti;

ca. Pelamahan, tanah kakuwuban desa sinanggeh sthulaning desane.

Adung patemon bhuwana kalih, larapan santa Jagadhita, sinanggeh murdhaning prayojana pangriptaning awig-awig Desa Pakraman ring paseban sami krama desa adat pinaka sepat siku-siku pamatut mawastu prasida, prayojanan titiang sami angidep muwah amanggehaken kadi linging awig-awig punika,

PIDAGING AWIG-AWIG DESA ADAT LEPANG

MURDHA CITTA

PIDAGING AWIG-AWIG DESA ADAT LEPANG

PRATHAMAS SARGAH : ARAN LAN WAWIDANGAN.....	1
DWITYAS SARGAH : PATITIS LAN PAMIKUKUH.....	1
TRITIYAS SARGAH : SUKERTA TATA PAKRAMAN.....	2
Palet 1 : Indik Krama.....	2
Palet 2 : Indik Prajuru Desa.....	6
Palet 3 : Indik Kulkul.....	8
Palet 4 : Indik Paruman Miwah Sangkepan	9
Palet 5 : Indik Druwen Desa.....	11
Palet 6 : Indik Sukerta Pamitegep	12
Kaping 1 : Karang, Tegal lan Carik	12
Kaping 2 : Tanem Tuwuh utawi Kakayonan	15
Kaping 3 : Indik Wewangunan	16
Kaping 4 : Indik Wewalungan	17
Kaping 5 : Indik Dusta muah Bhaya.....	17
Kaping 6 : Indik Panyanggran Krama Desa.....	19
CATURTHAS SARGAH : SUKERTA TATA AGAMA.....	20
Palet 1 : Indik Parhyangan lan Dewa Yadnya	20
Palet 2 : Indik Resi Yadnya	25
Palet 3 : Indik Pitra Yadnya.....	27
Palet 4 : Indik Manusa Yadnya	32
Palet 5 : Indik Bhuta Yadnya.....	33
PANCAMAS SARGAH : SUKERTA TATA PAWONGAN.....	36
Palet 1 : Indik Pawiwahan	36
Palet 2 : Indik Nyapian	60
Palet 3 : Indik Sentana	65
Palet 4 : Indik Warisan	43
SADTHAS SARGAH : WICARALAN PAMIDANDA.....	46
Palet 1 : Indik Wicara.....	46
Palet 2 : Indik Pamidanda.....	47
SAPTAMAS SARGAH : NGUWAH-NGUWUHIN AWIG-AWIG	49
ASTAMAS SARAH : PAMUPUT.....	49

PRATAMAS SARGAH
ARAN LAN WAWIDANGAN

Pawos I

- (1) Desa Adat puniki mawasta Desa Adat Leping.
- (2) Jebar kakuwub wawidangania mawates nyatur luwir ipun:
 - ha. Sisi Kangin : Desa Adat Sidayu Nyuh Aya
 - na. Sisi Kelod : Segara
 - ca. Sisi Kauh : Desa Adat Tegalbesar, Desa Adat Negari lan Desa Adat Basangalu
 - ra. Sisi Kaler : Banjar Losan lan Desa Adat Umasalakan.
- (3) Jebar wawidangan inucap malinggah 100 hektar.
- (4) Ring Desa Adat Leping wenten Banjar Adat wantah asiki wiakti Banjar Adat Leping

DWITYAS SARGAH
PATITIS LAN PAMIKUKUH

Pawos 2

Desa Adat Leping ngamanggehang pamikukuh minakadi

- ha Pancasila
- na. Undang-Undang Dasar 1945
- ca. Tri Hita Karana manut sadacara Agama Hindu.

Pawos 3

Luwir patitis/tatujon Desa Adat Leping makadi :

- ha. Ngarajegang Agama Hindu.
- na. Ngutsahayang tata prawerti maagama.
- ca. Ngarajegang kasukertan Desa saha pawongania sekala lan niskala.
- ra. Ngarajegang duwen Desa lan duwen pawongannia.

TRITIYAS SARGAH
SUKERTA TATA PAKRAMAN

Palet 1

Indik Krama

Pawos 4

- (1) Warga Desa Adat Leping wantah sahananing jadma sane magama Hindu jumenek ring wawengkon Desa Adat Leping.
- (2) Krama Desa Adat Leping inggih punika warga desa sane sampun alaki rabi nyamong wiadin tan ngamong karang desa satinut ring daging Awing-awig lan pararem Desa Adat Leping.
- (3) Krama Desa Adat Leping kapalih dados kalih soroh luire:
 - ha. Krama ngarep : Krama sane sareng nyungsung lan ngupa aci ring pura-pura panyungsungan Desa Adat Leping.
 - na. Krama kakuuban: Krama sane kakuubang utawi karobang olih sinalih tunggil krama ngarep.
- (4) Sajaba sane kabawos ring ajeng kasinanggeh tanyu.

Pawos 5

Panemaya tedun makrama Desa Adat Leping

- ha. Warga Desa Adat Leping sane sampun marabian patut tedun makrama Desa ngarep, mawaneng 42 (petang dasa kalih) rahina ngawit pangambilania.
- na. Sahanan tamyu magama Hindu sane malinggih ring wawengkon Desa Adat Leping langkungan ring asasih pitung rahina (42 rahina) kapatutang sareng tedun makraina Desa Adat saha keni pamopog gung artha manut pararem.
- ca. Sahanan tamyu sane malinggih ring Desa Adat Leping melarapan sasudian guru wisesa yening mapikayun sareng tedun makrama katerima tur kapatutang naur pamopog manut pararem.
- ra. Tamyu maagama Hindu tiyos ring sane mungguh ring ajeng kapidabdabin manut pararem.

Pawos 6

Swadharmaning tamyu lan sang ngaraksa tamyu sakadi ring sor:

- ha. Sapasira ugi sane ngaraksa tamyu patut masadok ring prajuru desa tan kasepan ring awengi tur tamyu inucap pátut nganutin kasukertan Desa Adat Leping manut pararem.
- na. Sahanan taryu sane jenek ring Desa Adat Leping sawawining anak sungkan nunas tamba, sabilang tutug senger 42 (petang dasa kalih) rahina ipun makaon wus punika ipun malih rauh, tamyu kadi punika sandang tundung tur sang sane nerima tamyu punika patut keni pamidanda gung artha manut pararem.
- ca. Tamyu sane tan maagama Hindu sane jumenek ring Desa Adat Leping, nenten kasar engang makrama adat sakewanten patut sareng nyanggra kasukertan saha keni paturunan ngasasih gung artha manut pararem.

Pawos 7

- (1) Sahanan Teruna-teruni sane mayuse sawatara 16 (nembelas) tiban lan salangkungnyane patut ngamiletin Sekaa Teruna-Teruni Desa Adat Leping,
- (2) Ring Desa Adat Leping patut kawentenang Pacalang tur suadharmania Ngabih kasukertan Desa Adat Leping.

Pawos 8

Swadharmaning Krama Desa Adat Leping:

- (1) Krama Desa Adat Leping patut satinut ring:
 - ha. Sadaging Awig-awig saha pararem Krama Desa Adat Leping.
 - na. Ayah-ayahan saha peson-peson sajangkepnyane manut pararem.
 - ca. Setata ngutsahayang miwah ngardinin kabecikan Desa Adat Leping
 - ra. Natak panes tis yasa kertin Desa Adat Leping

(2) Ayah-ayahan kramane kapalih dados 3 (tigæng) soroh luwir ipun :

ha. Ayahan ngarep (patus)

na. Ayahan Balu (Patu Unggu) kapalih sekadi ring sor:

1. Balu ngelisting lanang lan Balu ngelisting istri yan ngamong karang Desa patut ngayahang arirang.
2. Yan Balu lanang sampun maduwe oka istri mayusa 17 (pitulas) tiban utawi balu istri maduwe oka lanang mayusa 17 (pitulas) tiban patut ngayahang mamungkul.

Ca. Ayahan Sekaa Teruna Teruni

(3) Krama Desa Ngarep wawu dados lese utawi nyada yan sampun sakadi ring sor.

ha. Sampun wenten silih tunggil okane sane lanang marabian, raris okane punika sane nyundul utawi ngentosin ayah reraman ipune.

na. Sampun mayusa 70 (pitung dasa) tiban.

ca. Yan sang nyada majalaran antuk yusa raris maduwe oka lanang mayusa 17(pitulas) tiban, okanne punika patut ngayahang desa

Pawos 9

Kawenangan/hak Krama Desa Adat Lembang :

(1) Polih pasayuban miwah kasukertan tatkala ngamanggehang tatujon Pawos : 3 ring ajeng manut dudonan.

(2) Wenang nyarengin mastikayang pamutus babawos manut kawigunan Rikalaning parum.

Pawos 10

Usan makrama ring Desa Adat Lembang :

(1) Sulus miwah tata cara ngusanang makrama Desa Adat:

ha. Mabukti wenten kaiwangan ipun, tan tinut ring sapituduh Prajuru Desa indik nyupat raga ngamecikang parisolah sane kasinanggeh setata nguwig kecaping Awig-awig.

na. Jadma sane sungkan ila utawi lepra kausanang makrama selami kantun sungkan

(2) Sang kanorayang utawi kausanang makrama Desa Adat Lembang tan polih pah pahan druwen Desa, tan polih pengayoman sekala niskala, tan dados nganggan sahananing duwen Desa Adat Lembang manut pararem.

(3) Sang kausanang dados malih katerima makrama Adat yan sampun naur buntas sahanan pamidanda saha satinut ring sedaging Awig-awig Desa Adat Lembang.

Palet 2

Indik Prajuru Desa

Pawos 11

(1) Desa Adat Lembang kaenter olih Bendesa Adat kasanggra antuk :

ha. Panyarikan pinaka juru tulis.

na. Patengen pinaka pangamong sakeluwir duwen Desa Adat Lembang.

ca. Kelihan Pura pinaka patajuh.

(2) Sajeroning ngenterang kasukertan niskala, Bendesa Adat mingsinggihang Para Pemangku Kahyangan Tiga tur karombo olih para Pamangku Dadya sane wenten ring Desa Adat Lembang.

(3) Gaguat sang pacang kaadegang dados Bendesa Adat sakadi ring sor :

Ha. Patut mawiwit saking Krama ngarep

na. Pascad indik adat lan agama Hindu.

ca. Wenten wibawa ngutamayang rasa panglokika

ra. Uning ngawacen, nyurat lan maparisolah becik.

ka. Misadya ngayah ngenterang Desa Adat Lembang.

(1) Ngadegang Bendesa Adat Lembang lan Prajuru Desa melarapan antuk Sasudian sajeroning Paruman Desa nyabran 5 (limang) warsa saha kengin kasudi malih apisan

(2) Bendesa Adat sane sampun kasudi raris kaadegang malarapan upasaksi ring Desa Adat Lembang

Pawos 12

(1) Swadharmaning Bendesa Adat luire:

ha. Ngenterang pemargin sadaging awig-awig lan pararem Desa Adat.

na. Nuntun saha nyaksinin tata cara upacara kahuripan sane ngaraketang pakulawargan.

ca. Nuntun krama lan warga desa mingsinggihang linggih para Sulinggih muang para Pamangku.

ra. Ngenter tata carane ngangge saraja druwen Desa.

ka. Mawosin kalih niwakang pamutus marep wicaran Krama Desane.

da. Maka duta desa rikala matemuang bawos ring sapa sira ugi.

(2) Prade wenten Prajuru nilar sesana, patut keni pamidanda manut bobot kaiwangannyane, tur kamanggehang antuk pararem.

Pawos 13

Prajuru Desa Adat polih towas utawi ulih-ulihan sakadi ring sor:

ha. Luput ring saluwiring peson-peson utawi kenan-kenan ring Desa.

na. Polih nyakap laba, upon-upone katur ke Desa abagi, Prajuru Adat polih kalih bagi.

ca. Cenengan saluiring eduman ring desa.

ra. Miwah sane siwosan manut pararem.

Pawos 14

(1) Prajuru Desa kagentosin riantuk :

ha. Seda

na. Pinunas ngaraga

ca. Kausanang olib krama sajroning paruman Desa, doaning nilar sesana.

(2) Indik ngusanang Prajuru mangda saking pamutus paruman sane kasungkamin olih Krama Desa.

Palet 3
Indik Kulkul.
Pawos 15

- (1) Kulkul ring Desa Adat Lepang wenten 3 (tigang) soroh luwir ipun:
 - ha. Kulkul Desa
 - na. Kulkul patus makarya lan kulkul patus upacara
 - ca. Kulkul Sekaa -sekaa
- (2) Tabuh tatepakan Kulkul Desa manut tatengeran luwir ipun:
 - ha. Tatengeran makarya lan upacara yadnya: kalih tuludan lambat.
 - na. Tatengeran sinalih tunggil kulawarga Desane istri marabian : kalih tuludan becat
 - ca. Tatengeran sinalih tunggil kulawarga Desane seda: kalih tuludan lambat
 - ra. Tatengeran wenten warga Desa keni bhaya pati: atuludan becat, utawi bulus.
 - Ka. Tatengeran wenten katunuan/umah puun: atuludan becat
Raris kalanturang ngempang
 - Da. Yan tatengeran suaran kulkul Desane nghwayang kagandam
Desane patut digelis mapitulung
- (3) Tabuh tatepakan Kulkul Sckaa manut kahgunanya warna pararem
- (4) Sapasira ugi tan kapatutang nepak kulkul desa yan tan samen prajuru, sajawining rikala wenten kapancabhaya
- (5) Sang nepak kulkul desa rikala kapancabhaya patut diges nyadokang ring Prajuru munggwing tatujon pancpaknyane
- (6) Sang mamurug kadi daging ayat (4) mwang (5) ring ajeng, wenang katiwakin pamidanda manut pararem
- (7) Rikala suaran kulkul Desa utawi kulkul sane siosan nyihnayang kapancabhaya, sahananing warga desa patut digelis maweh patulung, manut kubuatan.

Palet 4
Indik Paruman Miwal Pasangkepan
Pawos 10

- (1) Pesangkepan Desa kawenterang ring, rahina Anggar Kasih Dukut lan Anda Kasih Medangsya.
- (2) Siwos ring rahina punika yan weten mabuat pacang bawosang kangkat Ngawentenang paruman, padgatakala
- (3) Uger-uger ngawentenang paruman sakadi ring sor
 - ha. Arahina sadurungnia parum, prajuru patut ngamargiang arahan utawi sewa patra kalanturang nyuarayang kulkul wenginia mangda sang sane patut ngamiletin sauninga
 - Na. Satunggil paruman kalanggala antuk suaran kulkul kalanturang antuk ngaturang cane ring Ida Bhagawan Panyarikan

Ca. Sane wenang nyarengin paruman inggih punika sahanan krama lan panyeledihi

ra. Pamilet paruman patut mangda mabusana Adat Bali makadi mawastra, nyalempod lan destar.

Ka. Tan kalugra makta saluir gagawan.

Da. Saluiring babawosan mangda plapan madasar antuk wirasa sagilik-Saguluk sabhayantaka. Yan tan prasida ingkup babawosane raris briyukan pamatut sane makehan kaanggen pamutus.

ta. Tan kadadosang masuara gora, majajal utawi miyegan, punyah miwah byota siosan ring paruman. Yan memurug keni pamidanda manut pararem

(4) Nyacak dadosan kamargiang pinih untat

Pawos 17

(1) Satunggil paruman Desa, Bendesa Adat patut nyiarang sapemargine ngenterang Desa pamekas indik

ha. Munjuk lungsuring pakraman, ayah-ayahan saha sulur artha brana duwen Desa.

Na. Pangerencana Prajuru indik usaha salanturnia

Ca. Salanan wicara lan pemutus miwah sane siwosan inanut Kawentenannia.

(2) Pamulus paruman Desa kabawos pararem kaanggen pamitegep Awig-awig.

Palet 5

Indik Duwen Desa

Pawos 18

Sane kamanggehang pinaka duwen Desa Adat Lembang luwir ipun :

Ha. Pura-pura penyungsungan Desa makadinya;

1. Pura Dalem, Puseh, Bale Agung, Segara, Melanting, Masceti genahe dados asiki ring Pura Dalem Silapegat.

2. Pura Tirta

3. Pura Dalem Prajapati

4. Pura Batu Lembang

5. Pura Panyineban/Panyimpenan :

Na. Bale Desa, saha pewaregan, gudang,,warung genah madolan

Ca. Huller gabah/ Slip jijih

Ra. Tanah laba Pura sekadi ring sor:

1. Laba Pura Silapegat marupa:

- Sawah 27 are, pipil no. 277, persil no. 15 Sp., Klas : I

- Sawah 17 are, pipil no. 277, persil no. 56 Sp., Klas : II

- Sawah 13 are, pipil no. 48, persil no. 70.a, Klas : 1

2. Laba Pura Segara: sawah 35,5 are, pipil no. 163, persil no. 24,

Klas : 111

3. Laba Pura Batu Leping: sawah 19 are, pipil No. 5. persil No. 61, Klas:I

4. Laba Pura Melanting: tegal 23,5 are, pipil No. 63, Persil No. 51.b

Klas : IV

Ka. Tanah Setra ning tempek Gunung, Subak Penasan

Da. Bale Kulkul kekalih lan Kulkul patpat

Ta. Gamelan merupa gong abarung lan klentangan abarung

Sa. Prabot pura lan prabou maolahan, kadi mungguh ring ilikita

Wa. Druwen Desa siosan sane kapikolihang salantur ipun

Pawos 19

- (1) Pamupon duwen Desa patut kapucukang kaanggen pangaci saha miara wawangunan ring Desa Adat Leping manut pararem
- (2) Saluwir duwen Desa patut wenten ilikitania
- (3) Nyabran paruman Desa, Prajuru sane ngamong laba/duwen Desa patut nambyakang munjuk lungsur duwen desa punika antuk ilikita pastika,
- (4) Sekaa Gong lan Sekaa Kelentangan kapakusara nyanggra gong wiadin kelentengan duwen desa, tur patut nganutin tata-titi pamargin sekaa sane kamanggehang.

Palet 6

Indik Sukerta Pamitegep

Kaping 1

Karang Paumahan, Tegal lan Carik

Pawos 20

- (1) Sahanan karang paumahan patut
ha. Pastika wenten wates ipun
na. Tan dados kabebeng,
- (2) Wates karange dados nganggen pagehan utawi tembok Tembok penyengkere magaleng kadulu, artin ipun temboke sane sisi kaler lan sisi kangin kakardinin lan kapiara oleh sang maduwe karange,
- (3) Yan karange madrebe telajakan, patut kapiara olih sang maduwe karang mangda asri
- (4) Sombali panguusan toyan karang karyanin ring genahe sane lebah manut lontoran karang, manyde nenten kabebeng (empet).
- (5) Tan kalugra makarya bangbang sajeroning pekarangan yan paembangnia kirang ring adepa agung saking wates
- (6) Tan kalugra ngamargiang usaha ring pekarangan sane ngawinang warga desane ibuk minakadi usaha sane ngamedalang andus malepug, ambu pengit, suara gora lan panunggalania.

Pawos 21

- (1) Krana sane sampun maduwe karang paumahan, tan dados malih nunas karang Desa, doaning tan dados ngangkep karang
- (2) Yan wenten Krama sane sampun polil nimbal karang, ian dados malih ngelingin karang sane genahina rihin,

- (3) Tan dados ngadol muah numbas tanah pekarangan Banjar/Desa yan tan kaicen olih pararem Karama Desa,
- (4) Yan wenten jadma saking jaba desa Leping numbas wawangunan utawi kekayonan, ring tanah pakarangan Desa Adat Leping, sane numbas patut ngingsirang wewangunan utawi kekayonan inucap-saking pakarangan punika.
- (5) Tanah pekarangan inucap katiba ring waris. Yan tan wenten waris patut katiba ring Desa.
- (6) Sang ngalinggihin karang desa patut makarya wawangunan, lan parhyangan manut sulur karang paumahan
- (7) Krama sane masemeton sareng makeh, raris ngedum karang, prade kapungkur wenten silih tunggil sane camput, bagian karange sane kacamputan, tan wenang malih kadadosang asiki olih sane tan camput doaning tan dados ngencak patus

Pawos 22

Wates tegal/pabianan patut magaleng kateben artin ipun sang maduwe tegal patut nyaryanin pagehan ring sisi kelod lan sisi kauh. Yan durung nyidayang magchin dados nganggen Pal (KPT) saking Guru Wisesa.

Pawos 23

- (1) Warga Desa tan kapatutang malaksana sakadi ring sor
Ha. Ngalah-lah miwah nyeser tanah tegak setra, tegak pura, lan sakancan Tanah sinanggeh suci.
Na. Ngalah-lah tanah ayahan Desa, karang desa, tegal, carik, margi, rurung, tukad miwah sane siwosan.
- (2) Prade wenten jadma ngalah-lah tanah kadi inucap ring ajeng patut keni pamidanda mrayascita genahe sane kaseser saha ngawaliang tanah inucap
- (3) Tan kapatutang ngembahang sakancan toya cemer, ngutang sahananing barang cemer ka tanah warga siosan, ka margi ne mwah genah-genah sane kawigunayang sareng akeh. Sang mamurug patut keni pamidanda gung arta manut pararem.

Kaping 2

Tanem Tuwuh utawi Kakayonan

Pawos 24

- (1) Ngawit nandur tuwuh patut adepa agung ngajeroang saking wates utawi tembok panyengker
- (2) Tan kapatutang wenten kakayonan ngungkul utawi nawonin pakarangan Pisaga Prade wenten asapunika, wenang sang madrebe pakarangan sane kaungkulin ngawara ring sang madrebe kakayonan inucap mangda nebtubin kakayonan sanenawonin punika
- (3) Yaning sasampune kawara, sang madrebe kakayonan tan nagingin pinunas sang ngawara, prade riwekas kakayonan inucap ngawetuang bhaya, wenang sangmadrebe kakayonan punika ngangganin prabeya karusakan utawi bhaya punika manut panglokikan prajuru maduluran upacara sapatutnia
- (4) Warga desa patut ngutsahayang nandur lan miara tatanduran sane ngawetuang kaasrian wawidangan desa.

Pawos 25

- (1) Tan kadudosang kantos wenten wit taru mentik ring wates karang
- (2) Yan wenten tanem tuwuh pungkut nepen wawangunan pisaga, patut sang maduwe taru punika naur prabeya karusakan, maduluran caru abrubunan saha mrayascita karang sang karubuhan, sajeroning 7 (pitung) rahinan.

Kaping 3

Indik Wewangunan

Pawos 26

- (1) Sapasira ugi sane jagi mapewangun ring Desa Adat Lembang patut nganutin pidabdab sekadi ring sor:
 - Ha. Masadok ring Prajuru Desa.
 - na. Nyangge gagulak Asta Bhumi muah asta Kosala-kosali sanistania manut patitis niskala,
 - ca. Palemahan ring sisin panyengker Pura-pura Desa Adat Lembang masukat 20 (duang dasa) meter saking panyengker purane tan dados wangunin.
 - Ra. Pawangunan ring panyanding pura-pura panyiwian Desa · Adat Lembang, masukat 50 (seket) meter saking panyengker pura mider, tan Kengin matingakat.
 - ka. Yan wenten jadmata sunantara pacang mapewangun ring wawengkon Desa Adat Lembang mangda ninutin tata krama kasukertan palemahan sekadi gaguat “Ulu Teben”, Tri Mandala miwah sane saosan.
 - da. Wawangunane tan dados ngungkul ka pisaga utawi nyapcap ka pakarangan anak lian
 - ta. Patut satinu ring sapituduh guru Wisesa.
- (2) Prade wenten wawangunan lawas sane kantun ngungkul utawi nyapcap ka pisaga, sang madrebe wawangunan patut mecikang mangda tan malih ngungkul utawi nyapcap, sanistania ngaryanang abangan.
- (3) Tan kalugra mapawangun musola, masjid, gereja lan kuburan ring wawengkon Desa Adat Lembang.

Kaping 4

Iudik Wewalungan

Pawos 27

- (1) Sang maduwe wewalungan patut negul, mlengbeng muah ngelogor mangda tan ngarubuh lan tan ngaletihin pura.
- (2) Prade wenten wewalungan ngantos ngaranjing ka pura, sang maduwe wewalungan punika patut ngupahayu, sanistania mrayascita pura inucap.
- (3) Yan wenten wewalungan ngarubuh ka pisaga, ka carik lan tegal, ri sampune nahen kaplungguhang utawi kawara dados kataban tur masadok ring prajunu selantur ipun sang nuwenang wewalungan punika patut naur prabeya karusakan.

- (4) Satunggil apekarangan dados miara asu wantah asiki. Asu sane rusuh utawi galak ngantos nyengkalen, dados kapademang sasampune masadok ring sang madruwe asu punika
- (5) Warga desa sami patut nyanggra sarwa prani, tan kadadosang ngamademang paksi, nuba miwah nyetrum ulam. Nanging prani sane ngarusak sekadi bikul, semal dados pademang

Kaping 5

Indik Dusta muah Bhaya

Pawos 28

- (1) Bacakan bhaya ketah kabawos Panca Bhaya luwir ipun
 - ha. Jiwa bhaya (kaamuk)
 - na. Artha bhaya (kamalingan)
 - ca. Gni bhaya (katunuan)
 - ra. Er-bhaya (kelem/anyud)
 - ka. Duracara ring Agama
- (2) Sapa sira ugi krama desa rikala manggihin bhaya patut digelis nepak kulkul. Tabul tatepakan kulkule inucap manut ring pawos: 15 (2) ring ajeng,
- (3) Yan wenten silih tunggil krama desane kapandungan patut digelis masadok ring prajuru, salantur ipun prajuru digelis nureksain kalih nabdabang maseserep utawi matur piuning ring guru wisesa,
- (4) Sang duracara ring agama patut kadanda manut pararem
- (5) Yan wenten jadma nemah mamisuli jadma siosan, prade sang katemah kapisuhrumasa tan suka tur nunas pamatut ring Bendesa Adat, wenang bendesa Adat niwakang denda pacamil manut pararem, utawi wicarannia katur ring Guru Wisesa.

Pawos 29

Prade saserepe ngalintang ring Desa Adat Lembang, patut matur saha nunas panuntun ring prajuru Desa Adat lan Dinas ring genahe masaserep.

Pawos 30

- (1) Krama sane polih nuduk jinah barang utawi (raja berana) patut nguningang ring Prajuru Desa Adat lan Dinas.
- (2) Prajuru Desa patut nyiarang artha brana sane kaduduk punika ring Krama Desa sami Sang ngangkenin raja brana punika mangda prasida nyihnayang antuk : saksi, bukti lan ilikita, sane mategesang raja brana punika wyakti dreben ipun.
- (3) Yan ngantos 3 sasih raja brana punika tan wenten anak ngangkenin, wenang sang nuduk ngambil raja brana punika.

Kaping 6

Indik Panyanggran Krama Desa

Pawos 31

- (1) Yan wenten sinalih tunggil krama nangun yadnya, kadadosang nyerahang karya ring desa, taler kadadosang ngamargiang krama suka.
- (2) Bacakan yadnya sane kangkat kaserahang ring desa sakadi ring sor
 - Ha. Dewa Yadnya makarya ring pamerajan wiadin dadia

Na. Resi Yadnya padiksan

Ca. Manusa yadnya masakapan utawi mapandes

Ra. Bhuta Yadnya macaru sanistannia Resi Ghanna

Ka. Pitra yadnya atiwa-tiwa mwan pangeroras

- (3) Panyanggran krama desa rikala wenten krama nyerahang karya kadi mungguh ring ajeng kamanggehang sakadi ring sor:

ha. Ngaryanin sakancan pirantin upacara 'mwan upakarannia;

na. Maolahan manut kabuatan;

ca. Matempung beras mwan jinah manut pararem

- (4) Prade sang mayadnya inuatang pituduh krama pacang ngambil karya siosan ring karya kocaping ajeng, patut masadok ring prajuru mangda nyumputang krama manut kabuatan sang mayadnya.

- (5) Sakancan reramon utawi lakar-lakar upakara manut kacumawisang olih sang madrebe karya.

- (6) Panyanggran krama salanturnya sajeroning upacara Pitra Yadnya kajangkepin malih ring indik Pitra Yadnya Pawos 46.

CATURTAS SARGAH SUKERTA TATA AGAMA

Palet 1

Indik Parhyangan lan Dewa Yadnya

Pawos 33

- (1) Parhyangan utawi panyiwian Desa Adat Lembang sekadi ring sor :

Ha. Pura Dalem Silapegat miwah pura-pura sane ring palebahan pura inucap minakadi: Puseh, Bale Agung, Segara, Melanting, lan Masceti.

Na. Pura Balu Lembang

ca. Pura Dalem Prajapati

ra. Pura Tirta

ka. Pura Panyineban utawi panyimpenan

- (2) Mungguing piodalan ring pura-pura inucap sekadi ring sor:

ha. Pura Dalem Silapegat, Puseh, Bale Agung, Segara, Melanting, Masceti lan Tirta nemoning rahina Anggara Kliwon Medangsya (Anggarkasih Medangsya). Sajaba piodalan, satunggil sasih kalima patut ngaturang pacaruan manut dresta.

na. Puta Batu Lembang nemoning rahina: Soma Wage Prangbakat.

ca. Pura Dalem Prajapati nemoning rahina: Sukra Umanis Kulawu

ra. Pura Panyineban nemonin rahina Saniscara Kliwon Landep/ Tumpek Landep lan Buda Kliwon Pahang

- (3) Aci-aci piodalan ring pura-pura inucap, kanista madya utama manut kecaping agama lan pararem krama desa katuntun olih Pamangku desa sareng prajuru desa karombo olih para Pemangku Dadya.

- (4) Aci-aci siosan sekadi purnama, Tilem miwah rerahinan sane siosan, kaaturang magilir olib kramane, kaenter olih prajuru lan Pemangku Desa.
- (5) Krama desane tan dados nangun yadnya sinarengan ring rahina puja wali ring pura panyiwian Desa Adat Lembang.

Pawos 34

- (1) Ngadegang Pamangku, pararem Krama Desa majalaran antuk:
Ha. Nunas pamuus ring Ida Batara utawi nyanjan.
Na. Nganutin katurunan
Ca. Kasudi sajroning paruman Krama Desa Adat Lembang
- (2) Sane tan dados kaadegang pamangku luwir ipun
Ha. Sang ceda angga minekadi : peceng, perot, sengkok, bongol, cungh, bega, dimpil lan sapanunggilannia.
Na. Kageringan utawi sungkan-sungkanan
ca. Muah cenala siosan manut pararem

- (3) Prabeya ngadegang Pemangku Desa kasanggra olih krama Desa

Pawos 3

- (1) Swadharmaning Pamangku sekadi ring sor:
Ha. Maka pangenter damuh Ida Bhatara rikala ngaturang bakti ring Pura Panyiwian Desa Adat Lembang.
Na. Nabdabin upakara lan upacara sane pacang katur
Ca. Nuntun lan nitenin kasucian Pura, Arca/Pralingga lan piranti Pura Karombo olih para luput (saya kabersihan pura) lan prajuru Desa manut dudonan.
Ra. Ngamargiang sesana kepemangkuan manut kecaping lontar Kusumadewa lan lontar Sang Kul Putih.
- (2) Yan piwal ring kecaping ring ajeng patut kapakelingin olih prajuru Desa.

Pawos 36

- (1) Pemangku Desa tan keni cuntaka, sajroning rikala ring jero. Jero Mangku sedeng namping watangan, ngantos maprayascita,
- (2) Rikalaning Jero Mangku kadurmanggalan, kulawargania patut digeis nyadokang ring Prajuru Adat.

Pawos 37

Olih-olihan Pamangku Desa sakadi ring sor:

- (1) Luput ring ayah-ayahan lan peson-peson Desa
- (2) Kasukserahin ngalungsur aturan lan sesari manut pararem
- (3) Rikala seda, kapalebonang olih Desa Adat Lembang, upacara salantur ipun olih kulawargania

Pawos 38

Pamangku desa kagentosin majalaran antuk:

- Ha. Sampun seda
- Na. Saking pinunas ngaraga, utawi sungkan-sungkanan

Ca. Nilar sesananing Pamangku mekadi nahap cor, ngalaksanayang asta
Dusta miwah kaiwangan sane siosan, wastu kanorayang olih
paruman Desa.

Pawos 39

(1) Sane tan kalugra ngaranjing sajeroning pura lwire :

- Ha. Sang katiben sebel kandel sekadi ngaraja swala selami during
bersih, ngembasang oka selami tigang sasili, lanangne sadurung
rarene kepus udel, yan kaluron, selami petang dase kalih rahina,
muah cuntaka sakeng anak siosan
- na. Sang patita utawi panak babinjat Sadurung kaupacarain manut
sastra agama
- ca. Sang mamitra ngalang,
- ra. Sang sampun marabian, sakewanten durung kaupakarain
antuk upakara pawidi-widanaan.
- ka. Rare sane durung kaupakarain mapetik rambut.
- da. Jadma buduh, sungkan ila utawi lepra saha anak punyah
- ta. Sang maparipolah tan manut ring tata cara pebaktian Agama Hindu
- sa. Wewalungan suku pat, sajawaning rikala mapapada.
- Wa. Sang makta barang leteh, sakadi taulan, pecal: perantos watangan,
Paridan pitra, luhun setra, lan sakancan sane kasinanggeh leteh
siosan.
- La. Maktiang awak-awakan sawa utawi adeg-adegan mangda
Kalaksanayang saking jaba sisi.

(2) Ring pura tan dados meparipolah sane sinanggeh ngaletihin minekadi :

- ha. Wak parusya (mamunyi sinted), wak cepala (mamunyi kasar), nemah
misuh.
- na. Mejajal/miyegan, napi malih yan ngantos ngamedalang rah.
- ca. Mawarih, makoratan, ngutah, madiman, masanggama, makolem
hawor dados siki lanang istri, saha paripolah ala siosan.

(3) Sang mamurug kecaping (1), (2), ring ajeng keni pamidanda saha
macaru lan mrayascita ring Pura manut perarem

(4) Krama sane nyingak utawi uning ring wenten anak ngeletihin pura,
patut digelis masadok ring prajuru desa. Prade tan nyadokang, patut
kasisipang sinanggeh ngukubin kacorahan.

(5) Jadma sane maperang ring pura ngantos ngamedalang rah keni
pamidanda saha, ngaturang caru manca kelud lan prayascita luwih
manut pararem.

Pawos 40

(1) Prajuru Desa wenang mastikayang para Pamangku sane dados munggah
tedun ring pura miwah ngias Arca/Pralingga duwen Desa Adat Lelang,

(2) Sajaba sang kacawis, tan kapatutang munggah ring palinggih-palinggih,
miwah ngambil pralingga Ida Bhatara.

- (3) Para Pamangku Dadya sane ngayah ring Pura rikala ngarombo Pamangku Desa patut satinut ring sapituduh Pamangku Desa, tan dados ngalintangin kawenangan Pamangku Desa
- (4) Prajuru Desa patut setata nureksa saha nitenin kasukertan ring pura mangda pamargin yadnyane dabdab, ngardi sukaning kayun, hening saha labda karya.

Pawos 41

Busana ngeranjing ka pura mangda nganutin sasana magama Hindu luwir ipun

Ha. Rikala ngayah makarya :

1. Sane lanang mawastra, makwaca, nyalempod madestar.
2. Sane istri: mawastra, makwaca masesenteng

Na. Rikala ngaturang bhakti :

1. Sane lanang: mawastra makancut, mekwaca, makampuh/nyaput, madestar
2. Sane istri: mawastra, makwaca masesenteng.

Palet 2

Indik Resi Yadnya

Pawos 42

- (1) Sang pacang mapudgala/madiksa, patut nunas panugrahan ring calon nabe, Guru Saksi, Parisadha Hindu Dharma lan Departemen Agama, saha masadok ring Bendesa Adat.
- (2) Bendesa Adat sareng Prajuru Desa patut nureksa saha nitenin mangda sulus lan pamargine manut ring kecaping Agama. Sane patut katureksa minekadi mangdasang calon dwijati tan ceda angga lan tan ceda laksana.
- (3) Prade wenten kasinanggeh kantun cemer, Bendesa Adat patut hatur uninga ring calon nabe, Parisada Hindu Dharma lan Departemen Agama.
- (4) Bendesa Adat patut sareng nyaksinin rikala upacara padwijatian punika kalaksanayang
- (5) Risampune puput upacara padiksaane saha sang madiksa sampun "amari aran"/magentos parab, Bendesa Adat patut digelis nyiarang ring paruman Desa mangdene krama desane huning.
- (6) Upacara ngalingighang Weda/Puja kapungkur taler kasaksinin olih Bendesa Adat.

Pawos 43

- (1) Prajuru rauhing Krama Desa sami patut ngarajegang kasucian para wikune taler para pinanditane (Pamangku, Dalang, Sangging) manut lingihnia.
- (2) Krama utawi warga desa sane nunas pamuput yadnya ring sang wiku patut ngaturang sesari padaksinaan manut kanista madya utamaning yadnya sane kamargiang
- (3) Yan wenten wiku lempas ring silakramaning kawikon, prajuru desa mangda digelis matur pahungu ring Guru Nabenia.

- (4) Prajuru Desa sareng krama sami patut sareng nulinga saha nitenin mangda saluwiring yadnyane sane kawentenang kapuput olih sang wiku utawi kaantebang olih Pinandita/Pamangku manut kecap Agama lan catur dresta, sakewanten tan lempas ring kawenangan sowang-sowang.
- (5) Sang wiku lan Pamangku tan kapatutang muput yadnya sane kanton sajeroning wicara

Pawos 44

- (1) Krama sane pacang mawinten, matetujon jagi dados Pamangku, Dalang, Sangging, Kebayan, Nyonteng, riwekas pacang ngayah ngamargiangyadnya, patut masadok ring Bendesa Adat.
- (2) Bendesa Adat lan Prajuru Banjar/Desa patut mratyaksa saha nitenin manyda pamargine manut Agama lan dresta tur nyaksinin sapula pali pawintenan nyane.
- (3) Bendesa Adat wyadin prajuru desa wenang mialangin sang sampun mawinten ngamargiang paayah-ayahan yaning jadma punika mabukti iwang pamargi utawi lempas ring sasana utawi swadharmannia.
- (4) Bendesa Adat wenang nyiarang kawenangan sang sampun mawinten ngenterang yadnya manut dresta sajeroning paruman Desa.

Palet 3

Indik Pitra Yadnya

Pawos 45

- (1) Prade wenten sinalih tunggil warga desa seda, kawenangang ngambil sinalih tunggil pamargi sakadi ring sor:
 - ha. Mapendem kadi patut manut dresta,
 - na. Makingsan ring pretiwi utawi ring geni, prade pacang kapalebonang sadurung tutug tahunan, kadulurin antuk upacara piuning ring Prajapati manut sastragama;
 - ca. Raris kapalebonang manut dudonan atiwa-tiwa sane kacumponin,
 - ra. Prade sang seda punika rare durung maketus untu tur yusannia sanistannia 3 sasih, upacarannya wantah ngelungah;
 - ka. Yan pamangku sane seda, tan wenang kapedem ring pertiwi, patut raris kapalebonang, sanistannia makingsan ring geni manut kecap Aji Kusumadewa

Pawos 46

- (1) Swadharmaning krama utawi warga rikala kalayusekaran lwire :
 - Ha. Digelis masadok ring prajuru saha nunas tuntunan pamargi sane patutkalaksanayang,
 - na. Nunas panyanggra saking krama desa manut upacara sane pacang kalaksanayang,
 - Ca. Nyumawisang panyembrama pisuguh manut dresta majeng ring prajuru minakadi krama sane rawuh mapitulung nyanggra upacara inucap
 - Ra. Nyumawisang pamrayascita majeng ring krama sane nyarengin mendem kasetra.

Ka. Yan sang lampus raris maplebonang, utawi malebonang layon sane
Pecak mapendem, tigang rahina riwus pangutangan patut macaru
ayam brumbun ring pamuwune, ring pempatan desa muwang ring
pakarangan sang ngaben

(2) Swadharmaning prajuru rikala wenten warga kalayusekaran

ha. Maritetes saha maweh tatimbang wiadin piteket ring pamekas
nganinin indik padewasan, larangan depadewasan, larangan desa
dudonan upacara sarana utawi reraron sane patut kacumawisang.
mwang paindikan sane siosan,

na. Nywarayang kulkul manut tatuion tur salanturipun ngenter krama
mapitulung nyanggra upacara inucap jantos puput.

(3) Swadharmaning krama lan warga desa sakadi ring sor

Ha. Maweh pitulung karya lanang istri sapuputa manut pinunas sang
Mayadnya utawi manut pangenter saking prajuru,

Na. Ngamargiang pagebagan manut pangenter prajuru, prade layone
Kapialang dening padewasan mawastu tan dados kapendem
pramangkin.

Ca. Maweh patempung marupa beras wiadin jinah manut pararem

Ra. Prade sang lampus ngararis kapalebonang, patempung kramane
Maweweh malih antuk :

1. Punjung sami asiki kang sadiri, turus asiki mwang kelangsah
sami makuwub;
2. para Gustine taler keni wedal-wedalan turus akatih, kelangsah
akuwub. nanging punjungnyane 2 punjung.
3. Patus unggu utawi balu keni punjung asibak.

Ka. Pitulung krama istri ngaryanin upakara babanten wantah ping kalih.
salantur ipun kamargiang krama suka.

da. Prade rikalaning ngaben masa utawi ngerit pangambilan karyane
marombong-rombongan, prajuru desa patut ngepah kramane sami
manut katah rombongan sane wenten.

Ta. Sowang-sowang rombongan polih pitulung wantah ping kalih.
Salantur ipun kamargiang pitulung krama suka magenah ring Bale
Desa.

Pawos 47

Uger-uger sane patut katinutin sajeroning mreteka warga desa sane seda
kamanggehang sakadi ring sor:

ha. Tan kadadosang nyekeh layon langkungan ring tigang rahina,
sajawaning layon sang sulinggih utawi pamangku sane tan
kawenangang mapendem

na. Tan kadadosang mendem, ngeseng utawi malebonang sawa nemonin
rahina Pasah, Semut Sedulur, Kala Gotongan, rahinan jagat makadi
Galungan, Kuningan, Buda Wage Kulawu, Pagerwesi, Saraswati,

Odalan ring pura-pura kahyangan Desa Lembang, mwang rahina
 siosan sane kamanggehang sajeroning pararem,
 ca. Tan kadadosang mendem layon anak istri sane kantun makta
 bobolan sadurung bobotannia kaembasang,
 ra. Tan kadadosang makirim wangke, utawi mendem sawa lintangan
 ning apisan sajeroning arahina. Prade sajeroning arahina wenten
 warga seda lintangan ring adiri, patut pamargine mendem kaenter
 olih prajuru desa,
 ka. Prade wusan mendem malih wenten sinalin tunggil warga seda, wawu
 kadadosang mendem sasampune wusan ngatelunin sang mapendem
 sane rihinan
 da. Prade wenten warga seda sinarengan ring rahina pangabenan sinalih
 tunggil warga desa, wenang kapidabdabin olih prajuru desa mangda
 layone sinarengan mamargi ka setra.

Pawos 48

- (1) Layon warga sane katiben sungkan ila utawi lepra mwang panyungkan
 sio sanane uning ngalahlah, patut kautsahayang mangda gelis kageseng
 tur abunnyaane kaanyut ka segara. Munggwing padewasan, patut
 katunasang ring prajuru desa
- (2) Prade wenten warga desa lampus salah pati wiadin angulah pali, ulah
 pati. ring luaring karang paumahannia, kangkat kabakta budal tur
 kaprateka kadi patut, nanging patut kadulurin antuk banten pangulap
 mwang panebusan
- (3) Prade wenten warga lampus ring pakarangan, ring tegal utawi carik
 duwen warga siosan, wenang kulawargan sang lampus ngamargiang
 upacara pamrayascita sakabuatan ring genahnia seda mawaneng
 sajeroning 7 (pitung) rahina

Pawos 49

- (1) Tan kalugra mendem sawan jadma sunantara ring setran Desa Adat
 yadyastun sang lampus punika magama Hindu. Nanging kadadosang
 ngeseng, yaning kulawargannia sumanggup ninutin pamargi sakadi ring
 sor :
 ha. Nganyut abun sang seda ka sagara;
 na. Nawur jinah pananjung batu manut pararem;
 ca. Ngamargiang aci-aci manut dresta ring Besa Adat Lembang.
- (2) Tan kalugra nguburang utawi ngeseng sawan jadma sios ring sang
 magama Hindu ring setra Desa Adat Lembang.
- (3) Tan kadadosang makarya gagumuk papendeman antuk semen utawi
 beton. Pinget papendeman kadadosang nganggen paras maka cihna
 pesengan mwang rahina sedamnyaane sang mapendem
- (4) Prade rikala mangbang ring setra wenten tulang jadma keni katumbeg
 patut tulang punika kawaliang kaurugin malih ring genahe katumbeg

Pawos 50

Sapasira ugi mamurug larangan mwanng pamargi kadi mungguh ring paandakan Pitra Yadnya kocaping ajeng, wenang kabawosin olih prajuru, tur katiwakin pamidanda bilih-bilih upacara pamrayascita manut pararem.

Pawos 51

(1) Indik cuntaka muang sebel kasinahan sakadi ring som

Ha. Cuntaka kasinahan ipun kawentenane sane kabaos Henan sane kabaos tan suci malarapan kalayu sekaran

na. Sebel kasinahan ipun kawentenane sane kabaos tan suci malarapan antuk :

1. Ngaraja swala
2. Ngembasang oka
3. Kaluron
4. Pawiwahan
5. Gamia gemana
6. Salah timpal
7. Mobot tan pawidi-widanaan
8. Mitra ngalang

(2) Sengker cuntaka muang sebel manut kawentenannya kamanggehang kadi ning sor :

Ha. Kalayu sekaran, cuntakanya kantos masesapuh manut dresta.

Na. Sebel ngaraja swala, 3 rahina ngawit saking ngeraja swala utawi selamening ngaraja swala.

Cu. Sebel ngembasang putra sane istri, 42 rahina (abulan pitung dina) Ngawit saking putrane embas, sane lanang ngantos rarene kepus odel.

Ra. Sebel pawiwahan, jantos kaupakarain antuk upakara pawiwahan

Ka. Sebel gamia gamana, ngantos sesampune kepalasang utawi masepihang tur sampun kawentenang pemrayascita raga muang pamrayascita desa adat lan kalyangan

Da. Sebel salah timpal, kapuputang manut sastra agama muang dresta

Ta. Sebel anak istri mobot sangkaning lokika sangraha ngantos Kawentenang upacara pabiakaonan.

Sa. Sebel memitra ngalang, ngantos kewentena ngalang, ngantos kewentenang upacara pabikaonan pamrayascita

wa. Putra embas tan sangkaning pawidi-widanan sebel ngantos wenten sane meras rarene tur sampun kawentenang upakara manut kecap sastra agama

Palet 4

Indik Manusa Yadnya

Pawos 52

- (1) Manusa Yadnya inggih punika upakara-upacara dharmaning manusa ngawit sakeng pateinoning kama petak kelawan kama bang ring sajeroning garbha wasa utawi belanakan i biyang ngantos lampus riwekasan
- (2) Upacara inucap madudonan sekadi ring sor :
 - Ha. Magedong-gedongan duk bobotane mayusa 4-6 (pat ngantos nem sasih)
 - na. Duk rarene wawu embas, ayabin dapetan, ari-arine taler kaaci sepatuta
 - ca. Ngalepas aon duk rarene kepus udel utawi duk mayusa 12 (roras) rahina
 - ra. Tutug kambuhan duk rarene mayusa asasih pitung rahina (42 rahina)
 - ka. Nelubulanin/nyambutin, duk mayusa 3 (tigang) sasih (105 rahina)
 - da. Ngotonin duk mayusa 6 (nem sasih) = 210 rahina
 - ta. Ngempugin duk tumbuh untu.
 - Sa. Mapetik rambut
 - Wa. Mungah deha teruna (ngaraja swala lan ngarajanya)
 - La. Matatah/mapandes/masangih.
 - Ma. Mawiwaha
 - Ga. Mawinten
 - Ba. Madiksa
- (3) Upakara lan upacarannia dados kanista madva utama manut kawentena nanging tan lempas ring kecaping sastra agama muah dresta/desa mawacana.

Palet 5

Indik Bhuta Yadnya

Pawos 53

Bhuta yadnya inggih punika upacara pabeyakalan ring Ibu Pertiwi. ring natar Kahyangan, ring sarwa babhutan lan sarwa prani

- (1) Upacara pabyakalan ring sarwa prani, makadi:
 - ha. Tumpek Pengarah/ Pengatag nemoning rahina Saniscara Kliwon Wariga pinaka upacarananing sarwwa tumuwuh utawi kakayonan.
 - na. Tumpek Kandang nemoning rahina Saniscara Kliwon Uve pinaka upacaranin sarwa wewalungan utawi ingon-ingon
 - ca. Upacara pakala-kalaan anut wiguna sane kesah kabawos mabvakale
- (2) Upakara-upacara pabyakala ring Ibu pertiwi, ring natar kahyangan, ning babhutan kawastanin macaru. Pacaruan punika kanista madya utama manut wiguna sekadi ring sor :
 - Ha. Eka sata

Na. Manca sata

Ca. Manca Sanak

Ra. Resi Ghana

Ka. Manca kelud

Da. Balik Sumpah

La. Taur Agung lan salantur ipun

- (3) Satunggil sasih Kalima patut ngaturang caru manca sata ring Pura Dalem Silapegat.
- (4) Sios ning punika wenten taler marupa masaiban/ngejot nyabran usan maratengan lan masegeh satunggil Kajeng Kliwon utawi pabuat siosan

Pawos 54

Dudonan upacara pacaran sasih Kasanga ring Desa Adat Leping sakadi ring sor :

- (1) Makiis ka Segara Leping. Wus punika Ida Betara nyejer ning Bale Agung
- (2) Ring Tileming sasih Kasanga kawentenang pangrupukan Majeng ring Ida Betara Sakti, Ida Raja Betari saha prasanak sami katuran yadnya maruntutan panyambleh kucit butuhan ring pampatan Desa/Bencingah. Pamargi upacara katuntun olih pamangku lan Prajuru Desa.
- (3) Kawentenang pacaruan manut genah sakadi ring sor :
Ha. Ring catuspataning Desa/Bencingah Desa Adat Leping, amanca warna
na. Ring lebuw sowang-sowang krama manut arah-arrah.
- (4) Risampune puput ngaturang pacaruan, soang-soang kulawarga ring jeroan mabyakala, maprayascita saha natab sayut lara malaradan ring natahe sowang-sowang.

Pawos 55

- (1) Rikala panyepian nemonin pananggal apisan sasih Kadasa, warga desa sami palut nginutin catur brata panyepian sekadi ring sor :
ha. Amati Gni, tan kengin maapi-api sajawining :
 1. Sang maduwe rare dereng mayusa 3 (tigang) Sasih, ring genah rarene.
 2. Sang matepetin anak sungkan, ring genah sang sungkan
 3. Sang maduwe layon, ring genah layone,Na. Amati Karya, tan wenang makarya,
ca. Amati lelungan, tan wenang medal sakeng pekarangan, sajawining prajuru. pecalang, utawi sang sampun polih wak-wakan.
ra. Amati lelanguan, tan wenang masuara gora, maoneng-onengan maplalian utawi nyuarayang lelanguan. Warga desa sami patut ngeningang kayun ngastitiang karahayuan jagat ring jeroania
- (2) Prade wenten krama sane ngawentenang Dewa Yadnya nemonin rahina panyepian, mangda muputang yadnyane sadurung suryane endag.
- (3) Sapasira ugi sane mamurug brata penyepian keni pamidanda manut pararem sane kamargiang olih prajuru lan Pecalang.

- (4) Jinah pamidanda inucap ngaranjing ring kas Desa Adat Leping,
- (5) Penanggal ping kalih mawasta Ngembak Geni, warga desane kaaptiang manuda ngelaksanayang sima krama dharma santhi.

PANCAMAS SARGAH
SUKERTA TATA PAWONGAN

Palet 1

Indik Pawiwaban

Pawos 56

- (1) Pawiwahan, inggih punika patemoning purusa lan pradana malarapan panunggalan kayun tresna asih maduluran antuk upasaksi sekala lan niskala
- (2) Pamargin pawiwahan sane kapatutang ring Desa Adat Leping wenten tigang soroh sakadi ring sor :
 - ha. Pepadikan
 - na. Ngarorod/ngarangkat
 - ca. Nyentana/nyeburin
- (3) Gaguat sang pacang mawiwaha sakadi ring sor:
 - ha. Sampun mungguh yusa deha teruna.
 - na. Pada lila/seneng tan wenten pepaksaan,
 - ca. Manut kecaping sastra agama lan dresta.
 - Ra. Kawisudayang malarapan widhi-widhana.
 - ka. Prade ngambil jadma sios agama, patut kamanggala antuk upacara sudhi wadhani.
- (4) Pawiwahan inucap taler mangda nganutin Undang-Undang Perkawinan.
- (5) Sang mamurug kecap ring ajeng patut :
 - ha. Kapalasang, yaning yusannia durung kasinanggeh deha teruna;
 - na. Kapalasang tur keni pamidanda, utawi wicarania katur ring Guru Wise prade pamarginnia sangkaning papaksaan utawi kaplegandang
 - ca. Kapalasang tur keni pamidanda manut pararem, prade tan nganutin sastra agama.

Pawos 57

- (1) Pawiwahan sane sinanggeh patut manut Pawos 56 yan sampun kapulaan sampun kapula-pali sekadinog sor :
 - ha. Pawidhi-widhanaan sanistania mabyakala.
 - na. Kasaksinin antuk prajuru Banjar/Desa lan Prajuru Dinas,
 - ca. Kaungguhang ring ilikita desa muang guru wisesa
 - ra. Naur prabeya upasaksi manut pärarem.
- (2) Pawiwahan sane tan manut ring punika (1) sinanggeh tan patut

Tata caraning Pawiwahan kamargiang sekadi ring sor

(1) Pepadikan

- Ha. Pinih ribin utusan sang purusa patut masewaka/ memadik ring sang predana
- na. Sang purusa saha kulawargania matemtu ring sang predana taler saha kulawargania, mastikayang daging pepadikane. Yan sampun pada adung samian lila, raris mastikayang dewasa pangambilan. ca. Ring panemaya pangambilan sang purusa lan sang predana karombo olih kulawargania sowang-sowang, maduluran antuk aci-aci banten manut dresta saha kasaksinin olih Prajuru Desa lan prajuru Dinas saking purusa lan predana ngamargiang tata cara pangambilan kala punika sang purusa mapaweweh basan buat utawi basan pupur ring sang predana manut dresta
- ra. Dewasa mulih utawi makta tipat bantal (mapamit) ring sekala lan nisala dados kamargiang sapisanan rikala dina pangambilan utawi pungkran manut kawentenan lan kaingkupan sang purusa lan sang predana
- ka. Kadadosang ngamargiang pakala-kalaan pramangkin ritatkala rahina pangambilane.
- da. Tan Kadadosang ngamargiang pakala-kalaan sareng tiga sane arahina nanging yan sareng kalih utawi sareng patpat lan salar sareng patpat lan salanturnia wantah Kadadosang

(2) Ngarorod/Ngarangkat

- Ha. Mawaneng 24 (patlikur) jam ri sampun sang predana karorodang. Sang purusa patut sampun ngutus pasedek ring kulawargan sang predana, saha mangda makta suar lan sewala patra sane kalingatanganin antuk sang predana, muang prajuru desa maka cihna sang predana sayawakti seneng karorodang.
- Na. Yan langkungan ring arahina tan wenten pasedek, kulawargan sang predana dados masadok ring prajuru desa lan prajuru dinas sane pacing nyarengin ngetut lan negteg
- ca. Malaku sakadi ring sor :
- Pamelakune patut kamargiang ping tiga, maduluran antuk suar lan banten pejat asoroh. Yan keluarga sang predana sampun lila, kengin kamargiang kirang ring ping tiga
- ra. Kulkul pinaka "cihna", dados kasuaraang yan sampun sangkaning pada lila sang maduwe kapatutan. Sang purusa patut maturan banten pejati ring Bale Kulkule masesari jinah manut pararem.

ka. Yan ngantos ping tiga palakune utawi pinunase lan kadagingian, yan sang wadon wyakti sampun seneng ring sang lanang kulawargan sang lanang patut masadok ring prajuru, wus punika, pawiwahane dados kamargiang sesampun polih wak-wakan saking prajuru inucap.

(3) Nyentana utawi Nyeburin

Ha. Pawiwahan nyentana inggih punika sang lanang mawak wadon tur pamargine pateh sakadi pepadikan, sasampune kasungkemin olih Sang istri sane mawak purusa sane kabaos sentana rajeg
na. Sang pacang nyeburin kaaptiang mangda mawiwit saking warga kapurusa saking sang kaceburin Prade tan wenten kangkat sakama-kama nanging patut polih wak-wakan saking para waris kapurusa sang wadon.

Pawos 59

(1) Sajeroning parabian sang lanang kawenangang marabi wantah adiri, Sajawining wenten pasubaya sios tur tan piwal ring Undang-undang Perkawinan

(2) Yan prade wenten lokika sanggraha, sang lanang sane ngawinang sang wadon Mobot, kautsahayang mangda nyakapang saha widhi widhana. Yan sang lannang ngangken kulawargan sang wadon patut macadok ring praiuru desa. Prade prajuru desa tan prasida muputang patut ngaturang ring guru wisesa

(3) Yan wenten warga desa malaksana drati krama, paradara, mamitra ngalang lan sane kabawos ngeletehin Desa Adat Leping, patut kasisipang saha marisuda desa manut pararem.

(4) Yan wenten anak istri ngembasang rare nanging tan wenten sane mariangken wong istri inucap kabawos istri jalir keni pamidanda saha ngupakara kasucian raga lan ngaturang prayascita ring pura-pura penyiwian Desa Adat Leping I pianak mangda kaupacarain manut sastra agama muang dresta. Salanturipun I Pianak dados kakuasaan I Biyang.

Palet 2

Indik Nyapihan

Pawos 60

(1) Nyapihan, inggih punika palas marabian sangkaning wicara.

(2) Balu, inggih punika palas marabian santukan silih tunggil seda.

(3) Sang pacang nyapihan patut masadok ring Prajuru Desa lan Dinas Riwus polih pasadok prajuru patut ngicen piteket-piteket mangda prasida adung malih Yan piteket Prajuru tan katampi, wicarania kangkat tunasang pamutus ring Pengadilan Negeri

(4) Ri sampune polih ilikita pamastika saking Pengadilan Negeri patut malih kasadokang ring Prajuru mangda kadamyakang ring paruman Desa Adat Leping

Pawos 61

Sulur palas marabian mangda nganutin Undang-Undang Perkawinan

Pawos 62

prade riwekas sang nyapihan adung malih, kapatutang sakadi ring sor :

ha. Ngawentenang upacara pawiwahan malih.

Na. Naur pamidanda lan pamrayascita manut pararem duaning kasinanggeh malikin utah

Pawos 63

Sowang-sowang balu manut kawentenania kabinayang sakadi ring sor.

(1) Balu istri wenten kakalih luwir ipun :

Ha. Balu istri wit sentana rajeg (duk nganten karajegang purusa)

Na. Balu istri boya sentana rajeg (sangkaning ngarorod).

(2) Balu lanang taler wenten kakalih luwir ipun :

ha. Balu lanang purusa

na Balu lanang nyentana (duk nganten mawak predana)

(3) Swadharman balu istri sane tan rajeg :

ha. Nyamanggehang pati brata/satyeng laki

na. Tan dados ngadol, ngadeang, miwah makidihang warisan.

ca. Dados meras sentana yan sampun polih wak-wakan saking kulawargan purusa.

Pawos 64

(1) Sang balu sinanggeh tan pageh luwir ipun sane :

ha. Anasar laku.

Na. Matilar sakeng pakubon tan pasedek ring kulawargania muah ring Prajuru desa ngantos 6 (nem) sasih,

Ca. Tan ninutil swadharmaning balu

(2) Yan wenten jadma balu maparipolah sekadi ring aieny (1 ha na. ca.) pun polih upon-upon warisan.

(3) Yan wenten jadma Balu pageh ninutin sesanan anak balu prade katundung utawi kawaliang mulih ka deha olih kulawarga purusa, balu inucap patut pepatut polih eduman gunakaya, manut tatiwak Prajuru Desa,

Palet 3

Indik Sentana

Pawos 65

(1) Mungguing sentana wenten kalih soroh luwir ipun :

ha. Prati santana inggih punika sentana sane metu saking pawiwahan sane kabaos sah.

na. Sentana paperasan inggih punika sentana sane kapikolihang antuk meras.

- (2) Yan wenten parabian bekung, dados ngidih sentana manut sulur saha maduluran antuk upacara lan saksi sekala-niskala sane kabaos sentana paperasan.

Pawos 66

- (1) Krama sane pacang meras sentana, patut masadok ring Prajuru Desa sanistan ipun tigang sasih sadurung dewasa paperasan kamargiang.
- (2) Prajuru Desa patut digelis namyakang paindikan punika ring Krama Yan wenten Krama sane tan cumpu, mangda digelis nyadokang sanistania asasih sedurung upacara pamerasane kamargiang.
- (3) Bendesa Adat Lembang digelis maosin saha nyicen pamatut manut catur dresta I pararem Krama Desa Adat Lembang. Yan tan sida putus babaosane dados numa pamutus ring Pengadilan Negeri.
- (4) Yan tan wenten anak sane mialangin, upacara pamerasane dados kamargiang

pawos 67

- (1) Sentana paperasan ring Desa Adat Lembang sinanggeh sah yan sampun sakadi ring sor :
- Ha. Malarapan widhi-widhana paperasan.
- Na. Kasaksinin olih Prajuru Desa lan Dinas saha kadamyakang ring Sajeroning paruman Desa Adat Lembang.
- ca. Wenten ilikitania manut tata cara pamargin pamerasan.
- Ra. Naur prabeya upasaksi manut pararem.
- (2) Sane kapatutang kaperas kaanggen sentana madudonan sekadi ring sor:
- ha. Saking pancer kapurusa
- na Saking warga tunggal sanggah wiadin dadya.
- ca. Saking pancer wadon
- ra Jadma sane magama Hindu
- da. Prade saking wadon taler tan wenten, kengin saking lila pekayunan sang ngidih sentana, nanging patut polih uwak-uwakan saking kapatutan sang purusa.
- (3) Sane sampun maduwe sentana lanang tan dados malih ngidih sentana sajawaning sentana inucap kapiyang abot sane ngawinang tan prasida pacang nurunang sentana.
- (4) Pamargin pemerasan sentana tan kalugra ngantos ngencak patus.

Pawos 68

- (1) Sang karajegang sentana patut nyeledihinin utawi nyaluk tategenan sang meras
- (2) Sang meras patut maparisolah pateh sakadi buah basang saha nyinanggehang waris marepe sang kaperas.

Pawos 69

Sapasira sane mamurug ring tata cara pamerasan ring ajeng, prajuru desa wenang ngicenin panepas tur niwakang pamidanda manut pararem

Palet 4
Indik Warisan
Pawos 70

- (1) Warisan inggih punika tetamian sakeng leluhur merupa : artha brana saha ayah ayahan ngupadiang kasukertan sekala lan niskala marep ring katurunannia.
- (2) Sane kasinanggeh warisan luwir ipun :
 - ha. Carik tegal duwe tengah, karang paumahan, sanggah/merajan, ayah-ayahan ring desa pusaka lan sapanunggalania.
 - Na. Artha brana, gunakaya, tetadtadan utawi bekel saha utang piutang.

Pawos 71

- (1) Sane kamanggehang ahli waris minekadi :
 - ha. Pratisentana purusa.
 - na Sentana rajeg (oka wadon sane karajegang purusa)
 - ca. Sentana paperasan purusa utawi wadon,
- (2) Yan tan wenten sakadi mungguh ring ayat (1) aksara ha, na, lan ca, ring ajeng sane dados ahli waris sekadi ring sor :
 - Ha. Rerama inisan utawi rerama mindon pernah kapurusa.
 - Na. Misan mindon saking kapurusa.
 - Ca. Kaponakan dimisan utawi kaponakan dimindon.

Pawos 72

- Swadharman ahli waris luwir ipun :
- Ha. Patut nerima saha ngoreg tetamian sakeng leluhurnia minekadi
Ngempon parhyangan, saha ngaci-aci lan nyalukin ayah-ayahan pewaris.
 - na. Ngabenang pewarisnia sapuputa ngantos nyekah lan salantur ipun.
 - Ca. Muntasang utang-piutang pewaris, pamekas utang ring desa lan ring pura

Pawos 73

- (1) Ngedum Warisan wawu kangkat kamargiang risampune puput sang pawanir kapula-pali manut Pitra Yadnya, lan utang-pawaris buntas katahurin
- (2) Para ahli waris polih duman asah, sahananing abot miwah tategenan taler karde asah.
- (3) Karang ayahan desa kaamong olih waris sane ngayahang ngarep.
- (4) Ahli waris kadi mungguh ring ajeng wenang tan polih duman warisan yaning :
 - ha. Nilar agama Hindu lan nilar kawitan;
 - na. Alpaka Guru Rupaka;
 - ca. Sentana rajeg kesah mawiwaha;
 - ra. Sentana lanang kesah nyeburin ka umah anak sios.

(5) Sane tan ahli waris nanging dados muponin kewanten luwir ipun :

Ha. Pratisentana wadon sadurung kesah mawiwaha.

Na. Balu wadon

Ca. Balu lanang sane mawiwit saking pawiwahan nyeburin

Ra. Mulih ka deha lan mulih teruna ring pawiwahan sane kabaos ninggal kadaton

Pawos 74

Yan wenten karang ring pakulawargan ahli waris langkungan ring adiri, para ahli waris punika patut.

Ha. Ngawentenang paiguman antuk paras-paros masemetonan.

Na. Yan tan prasida igum, patut nunas tatimbang ring Prajuru Desa

ca. Prade tan terima ring pamatut Prajuru Desa dados nunas baos ring Pengadilan

Pawos 75

ha. Prade wenten karang kaputungan (sang ngenahin padem) tan wenten sane nyanggra layone, prajuru Desa wenang nureksain sulur pakulawargan sang lampus. Sapa sira sane sanggup muputang mreteka layone, nika sane wenang ngenahin nimbal karange sane kecamputan,

na. Yan tan wenten anak nyadia ngupakara layone sane kaputungan punika, wenang desane muputang upakaran layone, raris karang ipune kadaut/kaambil olih Desa Adat Lembang

SADTHAS SARGAH

WICARA LAN PAMIDANDA

Palet 1

Indik Wicara

Pawos 76

(1) Sane wenang ngicen pamatut lan pamutus wicara luwir ipun :

ha. Yan sang mawicara tunggalan banjar patut kapuputang olih kelihan Banjar

Na. Yan sang mawicara siosan Banjar ring Desa Adat Lembang patut Kaputus olih Bendesa Adat Lembang.

(2) Prade pamutus Kelihan Banjar lan Bendesa Adat tan katerima olih sang mawicara, dados nunas pamatut ring Pengadilan Negeri.

Pawos 77

(1) Yan wenten jadma maparisolah tan nanut ring daging Awig-awig Desa Adat Lembang sane ngawetuang laksana corah, ngawetuang baya, pungkasin awig-awig, nungkasin pararem desa patut digelis bawosin tur tibakin pamindanda manut kecap awig-ewig lan pararem krama Desa Adat Lembang.

(2) Sahanan bawos sane nyewanggara utawi bawos kaon sane ngawinang kayun krama desane sungsut, patut digelis kabawosin olih prajuru desa risampune wenten nyadokang.

- (3) Pamutus miwah panepas prajuru desa mangde pastika nyantenang iwang patutsane maparisolah inucap malarapan antuk saksi, bukti, ilikita saha mangda manut ring catur dresta. Jadma sane iwang katiwakin Pamidenda manut pararem.

Palet 2

Indik Pamidanda

Pawos 78

- (1) Krama Desa Adat Lembang wenang niwakang pamidanda ring krama sane sisip.
- (2) Paniwak pamidanda mucap kamargiang olih Kelihan Banjar lan Bendesa Adat.
- (3) Agung alit pamidandane manut ring bobot kasisipan ipun,
- (4) Wacakan pamidanda sekadi ring sor :
- Ha. Ayah-ayahan panukun kasisipan
- Na. Danda artha marupa dadosan, paturunan saha panikelnia
- Ca. Pangupakara lan panyangaskara
- Ra. Rerampagan, kesepekang, kausanang makrama,
- (5) Panauran pamidanda marupa jinah muah artha brana manjing ring Kas Desa

Pawos 79

- (1) Krama sane tan naur paturunan muah dadosan ring panemaya patut puput matauran, keni panikel amadena, tur kicen galah malih nem rahina,
- (2) Ri sampune 6 (enem) rahina taler tan naur raris krama desa memargi ngelelang. tur sang kelelang keni panikel amadena.
- (3) Yan sang kalelang Nyuungin umah keni panikel ngulung,
- (4) Tata cara ngamargiang rerampagan sekadi ring sor :
- Ha. Sadurung ngamargiang rerampagan ngelelang, prajuru patut masadok dumun ring sang maduwe karange sane pacang karampag.
- Na. Rerampagane kamargiang olih prajuru Desa kasarengin olih Krama Desa sami
- Ca. Krama desane mangda sakeng darsana ngambil duwen sang karampag
- Ra. Prajuru miketin sang karampag mangda digelis nebus sadurung Waneng rerampagane punika.
- Ka. Jinak lelangan rerampagane kaanggen naur utangnia yan masisa waliang sisane. Yan kirangan patut sang karampag naur malih kekirangane
- da. sane dados karampag wantah barang sane marupa kasugihan Barang sane sinangeh suci tan dados rampage.

Ta. Yan tan polih barang rampaagan, utawi kaalang-alangin pemargin rampagan olih sang karampag. Maka cihna wong ika tan nuutin awig-awig dados ipun keni pamidanda marupa pakaryan. Yan ipun tan nyadya naur antuk pakaryan raris wong ika dados kasepekang, kapenging tur kanorayang, kausanang makrama Adat.

- (5) Tata cara sulur pamidanda saha rerampagan ring ajeng taler katiwakang ring krama sane tan naur utang ring LPD Desa Adat Leping.
- (6) Pamidanda sisip kadi ring ajeng prasida purna yan sang sisip sampun :
 - ha. Matur piuning ring Bendesa Adat saha banten pejati katur ring pura Dalem Silapegat
 - na. Nunas gung pangampura ring krama Desa Adat Leping sami.
 - ca. Naur pamidanda sekadi manut pararem.

Pawos 80

- (1) Sang Kasepekang utawi kapenging katiwakin pamargi sekadi ring sor
 - Ha. Tan dados masidikara ring krama Desa Adat Leping
 - Na. Rikala katiben panca baya lan kapatian tan polih tulungan saking Krama Desa Adat Leping
 - ca. Tan dados mendem sawa ring Setra Desa Adat Leping sakewanten yan ngeseng sawa maduluran aci-aci saha penanjung batu kalugrayang.
- (2) Pamidanda inucap sinanggeh buntas yan sampun ipun:
 - ha. Nyadia nunas kaiwangan ring krama Desa Adat Leping.
 - na. Naur utang lan prebeya sane katiwakang ring ipun.

SAPTAMAS SARGAH

NGUWAH-NGUWUHIN AWIG-AWIG

Pawos 81

- (1) Awig-awig puniki dados malih becikang manut kerab jagat, nanging malarapan antuk Paruman Krama Desa Adat Leping
- (2) Pamutus bawose kadasarin antuk pikayun sagilik saguluk.
- (3) Pamutus bawose sane kangge, yan sampun polih pasuara duang bagi ring sane ngayahin parum.
- (4) Saluwiring sane durung kabawos ring awig-awig puniki, kalaksanayang manut sane sampun ketah mamargi kadulurin taler antuk pararem krama desa.

ASTAMAS SARGAR

PAMUPUT

Pawos 82

- (1) Awig-awig puniki kawastanin Awig-awig Desa Adat Lembang.
- (2) Awig-awig puniki kamargiang ngawit kasungkemin olih Krama Desa Adat Lembang duk rahina : Anggara Kliwon Dukut, titi tanggal ping 5. Sasih ka 2. Isaka 1924, tanggal Masehi 27 Agustus 2002.
- (3) Awig-awig puniki kalingga tanganin olih Bendesa Adat Lembang, mwanng Kelihan Banjar Lembang, tur kasaksinin olih para manggala praja dinas, makadi para Kepala Dusun, Kepala Desa Takmung, Camat Banjarangkan, pamekas Bupati Klungkung pinaka murdhaning pamikukuh.
- (4) Lwir sane ngalinggatanganin :

Ha. Bendesa Adat Lembang

Ttd.

I Nyoman Mudita

Kelihan banjar Lembang

Ttd.

I Nyoman Tantra

Na. saksi-saksi lwire :

1.Kepala Dusun Lembang Kangin

2.Kepala Dusun Lembang Kawan

Ttd.

I Ketut Sirna

3. Kebala Desa Takmung

Ttd.

I Ketut Saget

4.Camat Banjarangkan

Ttd.

I Wayan Sukadana. SH

Ttd.

Drs. I Wayan Sujana

MENGETAHUI DAN TELAH DICATATKAN

Register Nomor : 189/03/HO/2002

Tanggal : 10 Desember 2002

Bupati Klungkung

Ttd.

Tjokorda Gede Ngurah

**SUSUNAN PANITIA PENULISAN AWIG-AWIG
DESA ADAT LEPANG**

No.	Nama	Jabatan	Alamat
1	I Gusti Putu Pager	Penasehat	Lepang
2	Jero Mangku Silapegat Ir.	Penasehat	Lepang
3	I Wayan Dana	Penasehat	Lepang
4	I Nyoman Tantra	Ketua	Lepang
5	I Gusti Ketut Jawa	Wakil Ketua	Lepang
6	I Ketut Sirna	Sekretaris I	Lepang
7	I Wayan Suwena	Sekretaris II	Lepang
8	I Wayan Wirna	Bendahara	Lepang
9	I Wayan Mudarsa	Anggota	Lepang
10	I Made Tanggu	Anggota	Lepang
11	I Ketut Saget	Anggota	Lepang
No.	Bidang Parhyangan	Jabatan	Alamat
1	Gusti Mangku Batu Leping	Ketua	Lepang
2	Mangku Sudia	Anggota	Lepang
3	Mangku Ludri	Anggota	Lepang
4	Mangku Merti	Anggota	Lepang
5	Mangku Mudiarsi	Anggota	Lepang
6	Mangku Ginan	Anggota	Lepang
7	Mangku Wantra	Anggota	Lepang
8	Mangku Sudiati	Anggota	Lepang
9	Gusti Mangku Jawi	Anggota	Lepang
10	Mangku Mudiana	Anggota	Lepang
11	Mangku Karmini	Anggota	Lepang
12	Mangku Suparta	Anggota	Lepang
13	Mangku Ketut Surata	Anggota	Lepang
14	Mangku Taman Sari	Anggota	Lepang
15	I Wayan Desek	Anggota	Lepang
16	I Ketut Mupu	Anggota	Lepang
17	I Nyoman Sekeh	Anggota	Lepang
No.	Bidang Pawongan	Jabatan	Alamat
1	I Nyoman Mudita	Ketua	Lepang
2	I Wayan Wendra, Sm Hk	Sekretaris	Lepang
3	I Wayan Nesa	Anggota	Lepang
4	I Wayan Rinta	Anggota	Lepang
5	Ir I Wayan Darsana	Anggota	Lepang
6	I Made Gedot	Anggota	Lepang
7	I Made Redana	Anggota	Lepang
8	I Wayan Suryana	Anggota	Lepang
9	I Wayan Ledang	Anggota	Lepang
10	I Gusti Putu Sentana	Anggota	Lepang
11	I Gusti Nyoman Ardana	Anggota	Lepang
12	I Gusti Nyoman Kanua	Anggota	Lepang
13	I Komang Ardana	Anggota	Lepang
14	I Nyoman Rapet	Anggota	Lepang
15	I Made Pande	Anggota	Lepang
16	I Made Kerep	Anggota	Lepang
17	I Wayan Suarjana	Anggota	Lepang
18	I Komang Budhiartha	Anggota	Lepang
19	I Made Surianta	Anggota	Lepang
20	I Made Sumadi	Anggota	Lepang

No.	Bidang Palemahan	Jabatan	Alamat
1	I Gede Winaya	Ketua	Lepang
2	I Nyoman Wija	Sekretaris	Lepang
3	I Wayan Ragem	Anggota	Lepang
4	I Made Suntra	Anggota	Lepang
5	I Nyoman Tarka	Anggota	Lepang
6	I Ketut Tarki	Anggota	Lepang
7	I Made Kumpul	Anggota	Lepang
8	I Made Merta	Anggota	Lepang
9	I Ketut Sunata	Anggota	Lepang
10	I Gusti Nyoman Suarsana	Anggota	Lepang
11	I Gusti Nyoman Kanta	Anggota	Lepang
12	I Nyoman Batur	Anggota	Lepang
13	I Ketut Lamud	Anggota	Lepang
14	I Wayan Terpi	Anggota	Lepang
15	I Made Nidip	Anggota	Lepang
16	I Ketut Kari	Anggota	Lepang
17	I Made Sanggra	Anggota	Lepang
18	I Ketut Kunca	Anggota	Lepang
19	I Wayan Kunci	Anggota	Lepang
20	l Ketut Nempul	Anggota	Lepang
21	I Wayan Rigeg	Anggota	Lepang
22	I Ketut Landra	Anggota	Lepang
23	I Ketut Sama	Anggota	Lepang
24	I Wayan Sukrama	Anggota	Lepang
25	I Wayan Tika	Anggota	Lepang
26	I Nyoman Sarji	Anggota	Lepang
27	I Nyoman Kicen	Anggota	Lepang
28	I Wayan Ranten	Anggota	Lepang